

8.01.2021
346-83

Բնապահպանության և ընդերքի տեսչական
մարմնի ղեկավար Գնել Հասրաթյանին

Տեղեկություն ստանալու հարցում

Հարգելի պարոն Հասրաթյան,

2020թ. դեկտեմբերի 23-ի Ինֆորմացիայի ազատության կենտրոնի հարցմանն ի պատասխան Բնապահպանության և ընդերքի տեսչական մարմինը պատասխան գրությամբ տեղեկացրել է, որ ներկայումս Տեսչական մարմինը ստուգում է իրականացնում այն կառույցում, որին պատկանում է հարցման մեջ նշված Արարատի ցիանային պոչամբարը: Գրության մեջ նշվում է նաև, որ «Էլեկտրոնային հարցմամբ բարձրացված հարցերին Տեսչական մարմնի աշխատակիցներն անդրադարձ կկատարեն ստուգման ընթացքում՝ իրենց լիազորությունների շրջանակներում»:

Հարկ է սակայն նշել, որ հարցման մեջ ներառված հարցերը կապված չեն տվյալ ընկերությունը այս պահին ստուգելու գործընթացի հետ:

Ուստի ՀՀ Սահմանադրության 42-րդ և 51-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի համաձայն՝ խնդրում ենք տրամադրել տեղեկություններ այն հարցերի վերաբերյալ, որոնք չեն առնչվում ստուգման գործընթացին, մասնավորապես.

1. «Քանի՞ տոննա պոչանք կա Արարատի ցիանային պոչամբարում և ի՞նչ նյութեր է պարունակում այդ պոչանքը:
2. Տարածքում առկա են ձկնաբուծական լճեր, ինչպիսի՞ պաշտպանիչ շերտ ունի պոչամբարը և ստորգետնյա հոսքերով արդյո՞ք պոչանքը չի հոսում նաև այդ լճերը:
3. Ստուգե՞լ եք երբևէ պոչամբարի հարակից հողերի, լճերի և այդ լճերում առկա ձկնեղենի մեջ ծանր մետաղների պարունակությունը, եթե այո, ապա ինչդրել է տրամադրել ստուգումների արդյունքները»:
4. «Հայկական բնապահպանական ճակատ» նախաձեռնությունն ահազանգել է այն մասին, որ 2020 թվականի ապրիլին մեծ քանակությամբ թռչուններ նստել են Արարատի պոչամբարի մակերեսին և սատկել, իսկ մարմինները ընկերության աշխատակիցները թաղել են: Արդյոք եղե՞լ է նման բան: Որո՞նք են եղել սատկելու պատճառները, իրականացրե՞լ եք արդյոք ուսումնասիրություն: Եթե այո, ապա տրամադրեք, ինչդրում ենք, ուսումնասիրության արդյունքները:

Խնդրում ենք տեղեկություն ստանալու հարցմանը պատասխանել «Տեղեկատվության ազատության մասին» ՀՀ օրենքի 9-րդ հոդվածով սահմանված կարգով և ժամկետներում:

Ուշադրություն: Խնդրում ենք հարցմանը պատասխանել բացառապես **էլեկտրոնային եղանակով:**

Հարգանքով՝

ԻԱԿ նախագահ Շուշան Դոյրոյան

